



clapnet

Moist.

16/10 85

# DECLARATION

D V R O Y S V R S O N

Edict du mois de Iuillet dernier,  
touchant la Reünion de tous ses  
subiets à l'Eglise Catholique, Apo-  
stolique & Romaine.

*Leu & publié en la Court de Parlement, le  
seiziesme d'Octobre, 1585.*



*Henry III*

A P A R I S,

Par F E D E R I C M O R E L Impri-  
meur ordinaire du Roy.

M. D. L X X X V.

*Avec Priuilege dudit Seigneur.*

Case

F

39

326

1585 fcd

THE NEWBERRY  
LIBRARY





EN R<sup>Y</sup> par la grace de  
 Dieu Roy de France & de  
 Pologne, à tous ceux qui  
 ces presentes lettres verrōt,  
 Salut. Par nostre Edict du  
 mois de Iuillet dernier pas-  
 sé, Nous auons faict amplement entendre  
 nostre volonté & intention sur la retinon  
 de tous noz subiects à la Religion Catholi-  
 que, Apostolique, & Romaine, à fin de re-  
 trancher le cours d'infinis maux & calami-  
 tez, que la tolerance de la diuersité d'opi-  
 nions en la Religion a cy deuant introduits  
 en cestuy nostre Royaume, & rendre vne  
 paix, vnion & bien-veillance plus asseuree  
 entre nos subiects: ainsi qu'elle s'est veüe du  
 temps de noz predecesseurs Roys: lesquels  
 pouruoyans sagement à toutes choses, n'ont  
 souffert de leur regne que le seul establis-  
 sement de la Religion Catholique. A quoy  
 pour tant mieux induire nosdicts subiects  
 faisans profession de la nouuelle Religion,  
 & les faire plus doucement embrasser par  
 bonnes instructions ce qui est du salut de  
 leur ame, & touche à leur bien particulier,  
 nous aurions voulu leur donner terme de six  
 mois apres la publicatiō de nostredict Edict:

pour dedans iceluy se departir d'icelle nouvelle Religion, se reduire à nostredicte Religion Catholique, Apostolique, & Romaine, & en faire profession; ou à faulte de ce, sortir hors de nostredict Royaume, & pays de nostre obeïssance, avec la permission de pouuoir iouyr, vendre & disposer de leurs biens, selon qu'il est plus à plein contenu par iceluy Edict. Et encores que nous leur ayons baillé ce delay avec toute bonne intention, & pour d'auantage ayder à leur conuersion, neantmoins il se voit clairement que plusieurs de ladicte nouvelle Religion obstinez en leur erreur, abusans de nostre bonté, s'en seruent & aydent, pour en iouyssant paisiblement de leurs biens auoir moyen de se mettre en armes, s'equiper & faire prouision d'argent, les vns pour aller ioindre, & les autres pour assister de leurs moyens & facultez ceux qui au lieu d'obeir à nostredict Edict, comme bons & loyaux subiects doibuent faire aux loix & Ordonnances de leur Roy, se sont ja esleuez en armes contre nous, & y resistent à main forte, ayans en plusieurs endroits, comme mesmes espays de Guyëne, Dauphiné & Languedoc, pris par force aucunes de nos Villes & Chasteaux, saisi noz deniers

5

deniers, ceux des Ecclesiastiques, & ceux de nos autres subiects Catholiques, qu'ils appliquent à la despenſe de leur guerre, exerceans au ſurplus tous actes d'hoſtilité contre les gés d'Egliſe, & autres Catholiques, qui ont eſté en quelques endroiçts inhumainement tuez, & massacrez. Et combien que pour remedier à tels deſordres nous ayons ja mis ſus de bonnes & puissantes forces, avec lesquelles nous eſperons que Dieu nous fera la grace de reſprimer l'audace de telles gens, & de nous faire rendre l'obeiſſance qui nous eſt deuë, ſi eſt-ce que nous auõs eſtimé que cela n'eſtoit du tout ſuffiſant: & qu'il eſtoit requis de donner encores quelque autre prouiſiõ pour empêcher que le mal ne preine plus grãd accroiſſement. Pour ceſte cauſe, apres auoir mis l'affaire en deliberatiõ, en la preſẽce de la Royne noſtre tres-honoree Dame & Mere, de pluſieurs Princes & Sieurs de noſtre Conſeil, eſtans prez de nous, Nous auõs par leur aduiſ, & de noſtre pleine puissance & auctorité Royal, ordonné & ordonnons ce qui ſ'enſuit.

## ET PREMIEREMENT.

**Q**UE tous noz subiects de ladicte nou-  
 uelle Religion, de quelque qualité & condi-  
 tion qu'ils soyent, qui se sont esleuez en armes  
 pour empescher l'exécution de nostre susdict  
 Edict, ou qui leur adherent, & semblablemēt  
 les Catholiques qui se sont ioincts à eux, ou  
 leur ont aydé & assisté, aydent & assistent de  
 leurs biens, moyens & facultez : ayent à de-  
 poser les armes, se desister de leur mauuaise  
 entreprise & adherence, & nous obeyr & re-  
 cognoistre, ainsi que doiuent faire bons &  
 loyaux subiects, sur peine d'estre attaints &  
 cōuaincus de crime de leze Majesté, comme  
 à faute de ce faire, nous les auons dès à pre-  
 sent, comme pour lors, tels declarez & de-  
 clarons par ces presentes: Par lesquelles vou-  
 lons, ordonnons, & nous plaist, que tous &  
 chacuns leurs meubles, immeubles, debtes  
 actiues, noms, raisons, & actions, soient fai-  
 sis, arrestez & mis en nostre main: Et au re-  
 gime & gouuernement d'iceux establis bons  
 & suffisans Commissaires & gardiens, qui se-  
 ront contraincts d'en prendre & accepter  
 la charge. Nonobstant toutes exemptions,  
 excuses ou priuileges, pour estre les meubles  
 vendus



vendus, & les immeubles baillez à ferme, au plus offrât & dernier encherisseur : & les deniers qui en prouiendront, employez aux affaires de la guerre. Les oppositions toutesfois preallablement iugees & terminees, lesquelles, à ceste fin, les propriétaires, creanciers, & autres pretendans droict, seront tenus former aux Greffes de nos Bailliages & Seneschaulcees, dedans quinzaine pour tous delais, apres la faisie faicte : si les opposans sont demeurans dans le ressort du Bailliage ou Seneschaulcee : & dans vn mois, pour le regard de ceux qui demeurent hors lesdicts Bailliages ou Seneschaulcees : & par mesme moyen apporteront leurs tiltres & enseignemens, cedulles, obligations, & autres pieces iustificatiues de leursdictes oppositions, pour sur icelles faire droict par nos Baillifs, Seneschaux, ou leurs Lieutenans : Ausquels nous enioignons proceder sommairement sans loqueur ne connuence, sur peine de priuation de leurs estats, & plus grande peine, s'il y eschet : & faire registre à part des expéditions aux Greffes desdicts Bailliages & Seneschaulcees.

Enioignons aussi sur pareilles peines aux Substituts de nos Procureurs Generaux

de tenir la main à l'executiō de ceste presente Declaration, & certifier nosdites Courts de quinzaine, en quinzaine du deuoir qu'ils y auront faict.

Defendons en outre à tous ceux qui doiuent ausdicts esleuez en armes ou à leurs adherens & cōplices rēte ou autre chose, de leur en rien payer, ains leur enioignons de le venir declarer à nos Iugēs incontinent apres la publicatiō de ces presentes, sur peine du quadruple, & d'estre procedé contre eux criminellement, comme faulseurs & adherens ausdicts esleuez.

F A I S O N S aussi tres-expresses inhibitions & defenses à toutes personnes d'acheter aucune chose des susdicts esleuez en armes, de leurs adherens & complices, declarāt des à present tout ce qu'ils auront achepté à nous acquis & confisqué. Voulons en oultre qu'il soit procedé contre lesdicts achepteurs criminellemēt. Et que de tous les deniers qui prouiendront de la vente d'iceux meubles, & fruicts des immeubles, soient dressez bons & amples procez verbaux par les Commissaires à ce commis: qui les mettront es mains  
des

des Tresoriers de France & Generaux de nos finances en la generalité, sous l'estendue de laquelle se trouueront lesdicts meubles, & seront situez les immeubles. Sur lesquels procez verbaux lesdicts Tresoriers generaux dresseront leurs estats aux Receueurs particuliers des lieux, pour estre lesdicts deniers par eux receus mis és mains des Receueurs generaux de nos Finances, comme les autres deniers de leur charge & generalité: & apres employez en l'acquiét des despenses que nous sommes contraincts faire & supporter pour l'entretenement des Gens de guerre, que nous auons mis sus pour l'establissement de nostredit Edict du mois de Iuillet dernier, & nous faire rendre l'obeissance qui nous est deuë par nos subiects. A quoy nous auons affecté & affectons les susdicts deniers, sans qu'ils puissent estre diuertis ailleurs, pour quelque cause ou occasion que ce soit. Voulons en outre que nosdicts Officiers vaquent en toute diligence, & tous autres affaires cessans, à faire & parfaire les procez criminels & extraordinaires, ausdicts esleuez en armes, leurs faulseurs & adherens, & qu'ils procedent aux iugemens & arrests contre les susdicts, selon la rigueur



de nos Edicts & ordonnances, reseruant toutesfois à nous pour le regard des biens immeubles, de donner telle prouision que aduiferons bon estre pour la conseruation d'iceux aux enfans & autres heritiers habiles à succeder aux preuenus, pourueu que iceux enfans & heritiers soient Catholiques, & qu'ils s'en rendent dignes par les bons & agreables seruices qu'ils nous feront. Et à fin que nous puissions tant plus tost cognoistre & discerner ceulx de nosdicts subiects de ladicté nouuelle religion, qui ont volonté de se reduire à nostredicté religion Catholique, selon que nous le desirons pour leur bien & saluation, ou bien d'obeir à ce que nous auons ordonné par nostredit Edict, en cas qu'ils ne veulent s'y reduire: Aussi pour empescher que sous pretexte du delay de six mois que nous leur auons accordé avec bonne intention, aucuns d'entr'eulx mal affectionnez ne continuent d'en abuser & de s'en seruir au preiudice de nostre seruite & du bien general de nostredit Royaume, comme ils ont fait iusques icy: Nous auons déclaré & declarons, que nous voulons & entendons que tous nos subiects d'icelle nouuelle Religion, ayent dedans quinze iours  
apres



apres la publication de ces presentes, à se réduire à nostredicte Religion Catholique, & en faire profession, ou à faute de ce, sortir hors de nostre-dict Royaume & pays de nostre obeyssance, avec permission de vendre, iouyr, ou autrement disposer de tous leurs biens tant meubles que immeubles, ainsi que bon leur semblera, selon qu'il est contenu en nostre-dict Edict. A la charge toutes-fois qu'ils n'ayderont d'iceux biens directement ny indirectement, ceux qui sont esleuez en armes cōtre nostre auctorité, ou leurs fauteurs & adherens. Et à faute d'obeyr à ce que dessus, Nous voulons & entendons que il soit sommairement procedé contre eux, par saisie de leurs biens meubles & immeubles, vente d'iceux meubles, & application des fruiçts des immeubles, selon & en la forme & maniere qu'il est dict cy dessus, des biens de ceux qui sont esleuez en armes contre nostre auctorité, & de leursdicts adherens, & que leurs procéz leur serōt faicts & parfaicts, ainsi que lon a accoustumé contre les infraçteurs de nos Edicts & Ordonnances, sans y vser d'aucune longueur ou conuiuence.

N o u s n'entendons en ceste presente

Declaration estre comprises les femmes tant mariees que veufues, ny les filles, estans de la nouuelle Religion : ausquelles nous laissons le reste du terme de six mois, porté par nostre Edict du mois de Iuillet, pour se reduire à nostre-dicte Religion Catholique, ou sortir hors de nostredict Royaume, selon qu'il est contenu par iceluy.

DEFENDONS neantmoins à tous nos subiects de quelque qualité qu'ils soyent, sur peine de la vie, d'vser d'aucune voye de faict en ce qui dépend de l'execution de ceste nostre presente Declaration : & de faire aucun tort ny iniure, soit és personnes ou biens de ceux qui ensuiuant nostre-dicte volonté se retireront hors nostre-dict Royaume, ou contreuenans à icelle, demeureront ledict temps passé : dont nous remettons l'entiere recherche & poursuite à nos Officiers.

SI DONNONS en mandement à nos amez & feaulx les gens tenans nos Cours de Parlemens, Baillifs, Seneschaulx, Preuosts, ou leurs Lieutenans : & à tous nos autres Iusticiers & Officiers, & à chacun d'eux, si comme à luy appartiendra : Que nos presens Declaration,

elARATION, vouloir & intention, ils facent publier, verifier & enregistrer en nosdictes Cours & sieges particuliers, à ce que chacun en ait bonne cognoissance: entretenir, garder & obseruer, sans qu'il y soit contreuenu en quelque sorte ou maniere que ce soit, ou puisse estre. Mandant à nos Aduocats & Procureurs Generaulx & particuliers d'y tenir la main de leur part: & nous aduertir de quinze iours en quinze iours du deuoir & diligence dont il aura esté vsé à l'execution de cesdictes presentes: lesquelles, en tesmoin de quoy, nous auons signé de nostre propre main, & à icelles faict mettre & apposer nostre seel. Car tel est nostre plaisir.

Donné à Paris le septiesme iour d'Octobre, l'an de grace mil cinq cens quatre vingts cinq. Et de nostre regne le douziesme.

Ainsi signé,

HENRY.

Et plus bas,

Par le Roy estant en son Conseil,

BRVLART.

Et seellé de cire iaulne sur double queue.

*Leues, publiees & registrees, oy & requérant le Procureur general du Roy: & en seront enuoyees copies collationnees és Bailliages & Seneschaucees de ce ressort, pour y estre publiees, gardees & obseruees, & auoir lieu du iour de la publication d'icelles seulement. Et est enioinct aux Gouverneurs, Baillifs, & Seneschaux, de tenir la main à l'exécution & entretenemēt desdictes lettres, & empescher les voyes de faict, suiuant la volonté & intention du Roy: sur peine de contrauētion aux Edicts, & Ordonnances. A Paris en Parlement le seziesme Octobre, l'an mil cinq cens quatre vingt cinq.*

*Ainsi signé.*

*DE-HEVEZ.*



## *Sommaire du Priuilege du Roy.*

P A R Lettres patentes du Roy, donnees à Paris le deuxiême iour de Nouembre , mil cinq cens quatre vingts vn , signees sur le reply , Par le Roy, P I N A R T. & seellees du grand seel dudi&t Seigneur , en cire iaune , sur double queuë : verifiees tant en la Cour de Parlement, Chambre des Comptes , des Aydes, que au Chastelet de Paris : Il est permis à Federic Morel son Imprimeur ordinaire, d'imprimer , ou faire imprimer , vendre & debiter tous Edicts, Ordonnances, Mandemens, & Lettres patentes, sans qu'autres Libraires & Imprimeurs les puissent imprimer ne faire imprimer , si ce n'est du vouloir & consentement dudi&t Morel: sur les peines contenues esdictes Lettres. En oultre a ledi&t Seigneur voulu , que apposant par ledi&t Morel vn extraict sommaire de ses Lettres , au commencement où à la fin de chacun des Liures qu'il imprimera, elles soient tenues pour suffisamment notifiees & venues à la cognoissance particuliere de tous ceux qu'il appartiendra , sans qu'ils en puissent pretendre cause d'ignorance.

# De la nature de l'homme

Le premier point à considérer est la nature de l'homme. L'homme est un être composé de deux parties : l'âme et le corps. L'âme est immatérielle et immortelle, tandis que le corps est matériel et mortel. L'âme est la source de la pensée et de la conscience, tandis que le corps est le véhicule de la sensation et du mouvement. L'homme est donc un être complexe, dont la nature est l'union de ces deux éléments. Cette union est si intime que l'homme ne peut être considéré comme deux êtres séparés, mais comme un seul être, dont la nature est l'ensemble de ces deux parties. C'est pourquoi l'étude de l'homme doit porter sur ces deux aspects, l'âme et le corps, et sur leur interaction. C'est ce que font les philosophes, les médecins, les juristes, etc. L'homme est donc un être digne d'être étudié et compris, car il est le seul être qui possède une âme et un corps, et qui est capable de réflexion et de conscience.



